

Corporate  
Suliffeqarfiit  
Virksomheders



# INUIAQATIGIINNI AKISUSSAASSUSEQARNEQ PIUJUARTITSINISSAMILLU TUNNGAVEQARNEQ SULISSUTIGALUGIT IMA AALLARTISSAATIT

Inuiaqatigiinni akisussaassuseqarneq piujuartitsinissamillu tunngaveqarneq ataatsimut isigalugit tassaapput **avatangiis-  
serisatsinnut, suleqatitsinnut avatangiisinullu sun-  
niutitta akisussaaffigilernissaat**. Tamanna marlunnik  
sammiveqarpoq:



**Pitsaanngitsumik sunniuteqarnerput** sapinngisamik an-  
nikillissavarput. Soorlu assersuutigalugu:

- Tunisassiatta sullississutittalu ataatsimut isigalugu navia-  
nartuunatillu ajoqusiinnaannginnissaat qulakkiissavar-  
put – aammalu ingerlatatta avatangiiserisatsinnut qanoq  
sunniuteqartarnerat eqqarsaatigilluassavarput
- Ilumoornata ileqqulullutalu ingerlatsinissarput pinngit-  
soortinniassavarput
- Sulisutta ajoqusinnginnissaat imaluunniit timikkut tarnik-  
kullu artukkinnginnissaat qulakkiissavarput – tassa imaap-  
poq sulinermi avatangiisit atugarissaarnerlu aqqissuus-  
saasumik sulissutigissavagut
- Mingutsitsinaveersaassaagut aammalu nukissiuutininik nu-  
kimmillu isumalluutininik atuinerput annikillissallutigut
- Eqqakkagut akisussaassuseqartumik sulissutigissavagut  
aammalu pingaartumik eqqagassat navianaatillit isumatu-  
saartumik sulissutigissallutigut
- Pilersuisunik toqqaaneq eqqarsaatigilluartassavarput, taa-  
maalilluni ”sapinngisamik akikinnerpaaq” inunnut avata-  
ngiisinulluunniit ajoquseeqqunagu



**Pitsaasumik sunniuteqarnerput sapinngisamik an-  
nertunerpaamik nukittorsarniassavarput.**

Soorlu assersuutigalugu:

- Tunisassiat sullississutillu inunnut avatangiisinullu pit-  
saasumik sunniuteqartut annertusassavagut. Tassaasin-  
naapput nukissiuutininik sakkortusaatit atorlugit aqqiis-

sutit, periarfissat pitsaasut aqqiissutissalluunniit asser-  
suutigalugu inunnut ajornartorsiortunut iluaqutaasinnaa-  
sut

- Sulisorisagut ineriartortissavagut, taamaalillutik suliffim-  
minni iluarisimaarlutillu ineriartorsinnaaqqullugit
- Inuiaqatigiit nukittorsarniarlugit assersuutigalugu ilinni-  
artaaneq aqqutigalugu inunnulluunniit ajornartorsiortunik  
ikiuinikkut pisinnaaffitsigut ikiueqataasassaagut. Qitiusu-  
mik oqartussaaffigut – tassalu piffissaq ilisimasallu – ator-  
lugit ikiueqataasarnissarput kissaatiginarpoq.

Allatut oqaatigalugu inuiaqatigiinni akisussaassuseqarneq  
piujuartitsinissamillu tunngaveqarnermi eqqarsaatigineqar-  
put avatangiisit, inooqataanermi pissutsit, peqquserlunermik  
akiuiniarneq, sulisorisat inuttullu pinginaatitaaffiit.

Eqqaamallugu sunniutisi pitsaanngitsut siulliullugit sulissu-  
tigissagassigut – aamma naak pitsaasumik sunniutit sulissu-  
tigissallugit ilaanni nuannernerusarualartoq.

## Aallartinnissami alloriarnissat pingasut

- 1) Sunniutisi pitsaanngitsut pitsaasullu pingaarnerpaat ta-  
kussutisiorsigut aammalu taakku sulissutiginnissaat eq-  
qarsaatigalugu ullumikkut qanoq iliuusereriikkasi eq-  
qarsaatigilluarsigut. Nukimmik annertuumik atuisarpisi?  
Angallatassarpassuaqarpisi? Nerisassanik eqqaavallaarpi-  
si? Tunisassiasi pitsaanngitsumik atorqearsinnaappat?  
Sulisorisasi qanoq atugarissaartigippat? – Aqqissuussaa-  
sumik sammisassanullu tamanut isiginnittumik takussutis-  
siornissaq isumagisiuk.



2) Suliassinnut attuumassuteqartut qanoq pitsaanerumik iliuuseqarfigisinnaanerlusigit aqutsisut kissaatiginarlunilu sulisut oqalliseqatigisigit. Nukissiummik atuinersi annikillissinnaagussiuk, tamatuma peqatigisaanik aningaasanik sipaaruteqassaasi. Sulinermi avatangiisit aqulalerussigit ullut napparsimaffiit ikinnerulissapput tunissiallu annertusiallallutik. Immaqa niuernikkut periarfissat nutaat atorluarneqarsinnaasullu pitsaasumik sunniuteqartussat isumassarsiarisinnaavasi? – Periarfissat paasisaqarfigisigit taakkunanillu pingaarnerpaat sulissutigeqqitassatut toqqarsigit.

3) Ulluinnarni suliniummik nutaamik aallartitsissagussi imaluunniit suleriaatsit ilaat pitsanngorsassagussigit akissusaasup/akisusaasut tamatuma ingerlannissaanut ilisimasaqarlutillu nukissallit toqqarnissaat isumagisiuk, taamaallilluni oqaasiinnangooqqunagit. Tamatuma peqatigisaanik illit aqutsisutut qanoq ingerlasoqarneranik malinnaanissat pingaaruteqarpoq. Ililuserisasi tamakkiisumik sunniuteqassappata aalajangersimasumik anguniagaritsi tamannalu malitseqartillugu. Ukiup ataatsip ingerlanerani orsussa qanoq annertutigisoq sipaarsinnaavisiuk? Napparsimallutik sulinnitsoonerit qanoq annertutigisumik ikilissinnaavisigit?



Piujuartitsinissamik tunngaveqarnermi inuiaqatigiinnilu akissusaassuseqarnermi aqutsisunit tapersorneqarnissaq piffissaqarnissarlupisariaqarput – soorlu allat tamarmik aamma taamaattut. Taamaattumik iliuutsisi nukissaqarneri malillugu oqimaqatigiissinniarsigit!



## Eqqaamasassat pingasut

**...inuiaqatigiinni akissusaassuseqarneq piujuartitsinermillu tunngaveqarneq sulissutigalugit aallartikkukkit**

- Iliuserisaq salliutiguk!** Pingaarnerpaq toqqaruk, tassa sunniuteqarfigineraasarsi aammalu ingerlatassinnut iluaqutaanerpaasusaaq. Suna tamaat ataatsikkut sulissutiginnaangilarsi aammalu suleqatigiit ikitsuinnaagussi ajornavissalluni.
- Anguniagaqarit malitseqartillugulu!** Suna anguniarpisiuk sunarpiarlup anguneqarsimava? Anguniakkasi angusallu (assersuutigalugu nittartagassinni) attaveqatigiisutigitussigit pisusaassuseqarnerussaaq aammalu uluinnarni suliat allat aallarteqqinneqarpat iliuuserisassasi puigunnginnissaanut iluaqutaassalluni.
- Sulisut** – immaqalu allaat suleqatigisat - **peqataatikkit!** Suliffeqarfimmi amerlasuunik, kissaatiginarlunilu sullitanik, suleqatigisanik pilersuisunilluunniit peqataatitsigutta inuiaqatigiinni akissusaassuseqarneq piujuartitsinissamillu tunngaveqarneq ingerlalluarnersapput. Peqatigiikkutta angusaqarlularnerussaagut.

## Pinngitsoortinniagassat pingasut

**...inuiaqatigiinni akissusaassuseqarneq piujuartitsinermillu tunngaveqarneq sulissutigalugit aallartikkukkit**

- 'Green washing' tassaavoq suliffeqarfiit piujuartitsinermik tunngaveqarnissamat qanoq suliaqartiginertik – naak ilumuivinnikkunaraluartoq - pillugu eqqartuisarneranut taagut. Soorunami neriorsuinerlussanngilasi oqaasiinnalu kusanartut pinngitsoortinniassallugit – suliatut oqaatigisasi ingerlannissaat isumagisiuk. Oqariaaseq kusanartoq una eqqaamasiuk: "Action speaks louder than words".
- Iliuseqarneq pinnagu ajunngitsuliorniarnaq periusaavoq sunniuteqarlunngitsoq. Sulisorisasi suleruluppallaarlutik tulleriaarlutik qasusoorutullu imaluunniit eqqagassasi uloriaanaatillit aqussinnaanagillu najukkami arsaattartut peqatigiiffianik tapersiineq 'inuiaqatigiinni akissusaassuseqarnerusoq' eqqarsarussi ilitsersuut una atuaqqissiuk. Siullertut pitsaannngitsumik sunniuteqarneri sapinngisamik annikinnerpaaffianiitilersiuk pitsaasumillu sunniutisi nukit-torsarlugit. Tamanna aqussinnaagussiuk tunissuteqarnerit soorunami pitsaapput, imminili naammannatik.
- Aamma aqutsineq pisariusoq suliniutillu amerlavallaat malitseqartissallugit piffissaqarfiginngisasi pinngitsoorniassavasi. Suliassanut kajuminneq pitsaasuvoq, amerlavallaanilli aallartitsineq pinnagu annikitsunnguit aallarniutigisigit. Iliuussat pingaarnerpaat salliutsinnissaat ajunngilluinnarpoq.

